

Laoch Spóirt



Buíochas le Sportsfile

AN ÁIT IS
UAIGNÍ AR
DOMHAN

Stephen Cluxton

Le Liam de Lása

Tá ról an bháireora athraithe go mór sa chaid le roinnt blianta anuas. Tuigtear anois go bhfuil ceardaí oilte ag teastáil chun an imirt a stiúradh, an fhoireann a chur ar an ionsaí ón gcic amach agus an cúl a chosaint ó naoscairí an fhreasúra. Ní hamhlaidh a bhí an tuiscint riamh sa chluiche áfach, agus tráth den saol ceapadh go coitianta gur chur amú tallainne é imreoir cumasach a fhágaint idir na cuailí.

Ó am go chéile tagann imreoirí ar leith chugainn agus bíonn sé de chumhacht acu cuid áirithe den gcluiche a athnuachan. Duine dóibh siúd ab ea Stephen Cluxton gan dabht, d'athraigh Stephen ár meon, ár dtuiscint agus ár meas ar an té a sheasfadh fén spota dubh go deo.

Cé gur ar an ngort sacair a bhain sé cáil amach dó féin ar dtús, tháinig a thallann chun solais go luath tar éis dó casadh chuig an gcaid Ghaelach i Scoil Naomh Daithí i gCathair Átha Cliath luath sna 90í. Bhí sé ag imirt sna tosaithe le foireann na scoile nuair a cuireadh báireoir reatha na foirne ar fionraí.

Ba é Cluxton a sheas isteach sa bhearna bhaoil agus d'fhág sé slán le saol an naoscaire ar an toirt. Do bhí an síol curtha agus thiocthadh sé fé bhláth gan mhoill ach ní fhágfadh sé cúramaí an tosaí ina dhiaidh go hiomlán!

Tar éis dhá bhliain a chaitheamh sa chúl le foireann mhionúr Bhaile Átha Cliath dhein sé an t-ardú céime go dtí an fhoireann sinsir sa bhliain 2001 nuair nach raibh sé ach naoi mbliana déag d'aois.

Chuir sé ardú croí ar lucht leanta na hardchathrach sa mhéid is go raibh caomhnóir nua tagaithe ar an bhfód. Bheadh na cúil tearc i gcoinne na Dubs ar feadh na séasúr fada ina dhiaidh sin cinnte agus mhairfeadh a thréimhse eadar-chontae go dtí an lá inniu.

Bhí laethanta faoin ngrian mall ag teacht áfach. Dá mbeinnse suite anso i mbun pinn deich mbliana ó shin ag scagadh shaol Stephen Cluxton idir na cuailí, ní mórán a bheadh le heachtraí agam ó thaobh na ngradam de. B'iomaí sábháil iontach a chonaiceamar uaidh le linn an ama san go deimhin agus bhí sé féin ag seasamh amach thar aon bháireoir eile a chaith an geansaí gorm roimhe. Fós féin, dá mbeadh na boinn leagtha síos mar shlat tomhais againn arbh fhiú dom é a chur i gcrích in aon chor?

Deich mbliana síos an bóthar agus níl aon insint ar fhorlámhas Bhaile Átha Cliath in san tréimhse a lean. Ní hamháin gur bhain sé tairbhe as an ré órga a bhí le teacht ach bhí sé féin lárnach in san aiséirí spleodrach atá fós i mbarr a réime. D'fhear nár bhuaigh a chéad chros Cheilteach go dtí 2011, tá seacht mbonn uile-Éireann sa chaibinéad anois aige gan clabhsúr tagaithe lena réimeas go fóill.

Cuimhneofar ar Cluxton go deo mar bháireoir deaslámhach, an chéad bháireoir riamh leis an scór buacach a fháil i gcluiche ceannais na hÉireann nuair a bhris sé croíthe na Ríochta i 2011. Ní ró-mhínic a chíféá báireoirí sna cinnlínte ach ba shuntasach an t-aitheantas dó nuair a cinneadh gurbh eisean an t-imreoir ab fhearr sa tír anuraidh. An séú gradam All-Star buaite aige in aois 37 bliain agus Corn Sam Mhic Uidhir ardaithe aige ar son na Dubs den séú huair ina shaol.



Buíochas le Sportsfile

Leanfaidh oidhreacht Cluxton i bhfad, ní hamháin ina chontae féin ach tabharfaidh a scéal spreagadh do bháireoirí óga geansaí uimhir a haon a chaitheamh fud fad na tíre ina dhiaidh. Ní bheidh an tláithínteacht chéanna ag teastáil chun teacht orthu a thuilleadh toisc go bhfuil onóir agus mórtas ag baint leis an gcúram a bhuí le gaiscí Cluxton. Níos tábhachtaí fós b'fhéidir, is meabhrú é dos na glúnta nua atá fós le teacht. Meabhrú ar luach an duine chróga, a sheasann san áit is uaigní ar domhan. Nach mór an gaisce é sin?

Caomhnóir - Guardian
Gradam - Award
Slat Tomhais - Measuring Rod
Ré Órga - Golden Age
Clabhsúr - Closure
Tairbhe - Benefit

Oilte - Skilled
Cosaint - Defend
Cumhacht - Power
Meon - Mindset
Oidhreacht - Legacy
Meabhrú - Reminder

Cúinne na bPáistí

Cuardach Focal

O	N	S	S	P	R	E	A	G	A	D	H	A	M
N	A	P	U	S	C	G	I	H	B	O	A	T	E
E	H	L	A	A	O	H	C	A	U	L	D	M	O
A	C	E	N	A	S	C	O	C	G	N	T	G	N
S	A	O	R	S	A	D	O	G	O	L	A	R	G
A	U	D	A	M	I	O	E	N	O	M	A	I	L
L	N	R	E	C	N	H	O	A	T	E	E	A	A
O	H	A	B	E	T	A	S	H	T	A	C	N	E
S	T	C	N	B	M	A	L	L	L	A	E	C	G
S	A	H	A	C	O	C	I	A	N	N	S	A	R
C	L	G	E	A	L	O	S	D	L	I	P	I	A
L	A	E	H	C	I	U	L	C	A	L	L	I	D
M	T	A	P	T	C	N	A	G	M	C	L	H	A
C	A	D	O	M	H	A	N	L	M	L	N	A	M

CONTAE
GEAL
MALL
GAISCE
ATHNUACHAN
SPLEODRACH
CLUICHE
SOLAS
COSAINTE
SPREAGADH
LUACH
DOMHAN
BEARNA
TAOBH
MEON
GRADAM
OILTE
SAOL
GRIAN